

Великий четверг

Последование утрени

В практике русской церкви, эта служба читается вечером в среду

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Старший: Аллилу́иа, глас 8

Хор: Аллилуия, аллилуия, аллилуия

Старший: От нощи ўтренюет дух мой к Тебѣ, Бóже, занѣ свет повелѣния Твоя на землі.

Хор: Аллилуия, аллилуия, аллилуия

Старший: Правде научитесь живущии на землі.

Хор: Аллилуия, аллилуия, аллилуия

Старший: Зависть приимет люди ненаказанныя.

Хор: Аллилуия, аллилуия, аллилуия

Старший: Приложі им зла, Гóсподи, приложі зла слáвным землі.

Хор: Аллилуия, аллилуия, аллилуия

Егда слáвнии ученицы на умовѣнии вѣчери просвещáхуся, тогда Иўда злочестивый сребролюбием недўговав омрачáшеся, и беззакóнным судиям Тебѣ праведнаго Судию предаёт. Виждь имѣний рачителю, сих рáди удавлѣние употребивша. Бежі несытыя души, учителю таковая дерзнувшия: Йже о всех Благий, Гóсподи, слáва Тебѣ. (дважды)

Слава Отцу, и Сыну, и Святому Духу, и ныне и присно, и во веки веков, аминь.

Егда слáвнии ученицы на умовѣнии вѣчери просвещáхуся, тогда Иўда злочестивый сребролюбием недўговав омрачáшеся, и беззакóнным судиям Тебѣ праведнаго Судию предаёт. Виждь имѣний рачителю, сих рáди удавлѣние употребивша. Бежі несытыя души, учителю таковая дерзнувшия: Йже о всех Благий, Гóсподи, слáва Тебѣ.

Старший: От Лукы □ Святаго Евангелия чтение

Хор: Слава Тебѣ, Гóсподи, слава Тебѣ.

Старший:

Во время оно, приближáшеся прáздник опресно́к, глаголемый Пáсха. И иска́ху архиере́е и кни́жницы, ка́ко бы́ша уби́ли Егó: бо́яхуся бо люде́й. Вни́де же сатана́ во Иўду нарица́емого Искарियो́т, су́ща от числа́ обоюна́десяте. И шед глаго́ла архиере́ом и воево́дам, ка́ко Егó преда́ст им. И возра́довашася, и совещáша ему́ сребреники да́ти. И испове́да, и иска́ше подобна́ вре́мене, да преда́ст Егó им без наро́да. Прии́де же день опресно́к, во́ньже подобно́ бе (вре́мя) жре́ти Пáсху. И посла́ Петра́ и Иоáнна, рек: шéдша угото́вайте нам пáсху, да я́мы. Они же рекóста Емú: где хóщеши угото́ваем? Он же рече́ им: се восходя́щема ва́ма во град, сря́щет вы человек, в скуде́льнице во́ду нося́: по нём иде́та в дом, во́ньже входит. И рце́та до́му влади́це: глаго́лет тебѣ Учи́тель, где есть оби́тель, иде́же пасху со ученики́ Мои́ми снем? И той ва́ма пока́жет го́рницу ве́лию по́слану; ту угото́вайте. Шéдша же обрето́ста, я́коже рече́ има: и угото́васта пасху. И егда́ бысть час, возлеже́, и обана́десяте апо́стола с Ним. И рече́ к ним; желáнием возжелéх сию́ пасху я́сти с ва́ми, пре́жде да́же не прииму́ мук. Глаго́лю бо вам, я́ко отселе́ не има́м я́сти от негó, донде́же сконча́ются во Цáрствии Бóжии. И приим ча́шу, хвалу́ возда́в, рече́: приимите́ сию́, и

разделите себе. Глаголю бо вам, яко не имам пити от плода лознаго, дондеже Царствие Божие приидет. И приим хлеб, хвалу воздав преломи, и даде им, глаголя: сие есть Тело Моё, еже за вы даемо: сие творите в Моё воспоминание. Такожде же и чашу по вечери, глаголя: сия чаша, Новый Завет Моёю Кровию, еже за вы проливается. Обаче се рука предающего Мя со Мною есть на трапезе. И Сын убо Человеческий идет по реченному; обаче горе человеку тому, имже предаётся. И тии начаша искати в себе, который убо от них хотяй сие сотворити? Бысть же и пря в них, кий мнится их быти болий? Он же рече им: царие язык господствуют ими, и обладающие ими, благодателе нарицаются. Вы же не тако: но болий в вас, да будет яко мний: и старей, яко служай. Кто бо болий? возлежай ли, или служай? не возлежай ли? Аз же посреде вас есмь яко служай. Вы же есте пребывше со Мною в напастех Моих. И Аз завещаю вам, якоже завеща Мне Отец Мой, Царство: Да ясте и пиете на трапезе Моёй, во Царствии Моём, и сядете на престолех, судяще обеманадесяте колёнома Израилевыма. Рече же Господь: Симоне, Симоне, се сатана просит вас, дабы сеял яко пшеницу; Аз же молихся о тебе, да не оскудеет вера Твоя: и ты некогда обращайся, утверди братию твою. Он же рече Ему: Господи, с Тобою готов есмь, и в темницу, и в смерть ити. Он же рече: глаголю ти, Петре, не возгласит петел днесь, дондеже трикраты отвержешися Мене не ведети. И рече им: егда послах вы без влагалища, и без меха, и без сапог, еда что лишени бысте? Они же реша: ничесоже. Рече же им: но ныне, иже имать влагалище, да возмет, такожде и мех: а иже не имать, да продаст ризу свою, и купит нож. Глаголю бо вам: яко еще писаное се, подобает, да скончается о Мне: еже, и со беззаконными вменися. Ибо еже о Мне, кончину имать. Они же реша: Господи, се ножа zde два. Он же рече им: довольно есть. И изшед иде по обычаю в гору Елеонскую: по Немже идоша ученицы Его.

Хор: Слава Тебе, Господи, слава Тебе.

Чтец: Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость

спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Господи помилуй, 40 раз

Канон

Песнь 3

Ирмос: Господь сый всех, и Зиждитель Бог, созданное Безстрастный обнищав Себе соедини, и Пасха за яже хотяше умерети. Сам сый Себе предпожре: ядите, вопия, тело Моё, и верою утвердитесь.

Слава Тебе, Боже наш, слава Тебе.

Избавительною всего рода человеча, Твоею, Блаже, Твоя ученики напоил еси веселия чашею, наполнив ю: сам бо Себе священнодействуеши, пийте, вопия, кровь Мою и верою утвердитесь. (Трижды).

Слава Отцу, и Сыну, и Святому Духу, и ныне и присно, и во веки веков, аминь.

Безумный муж, иже в вас предатель, учеником Твоим предрек еси. Незлобнее, не уразумеет сих, и той несмыслен сый не имать разумети. Обаче во Мне пребудите, и верою утвердитесь.

Ирмос: Господь сый всех, и Зиждитель Бог, созданное Безстрастный обнищав Себе соедини, и Пасха за яже хотяше умерети. Сам сый Себе предпожре: ядите, вопия, тело Моё, и верою утвердитесь.

Хор: Господи, помилуй. *Трижды*

Чтец: Слава Отцу и Сыну и Святому Духу **И** ныне и присно и во веки веков, аминь.

Хор: Аминь

Седáлен, глас 1:

Езэра и истóчники и моря сотворíвый, смире́нию нас наказу́я изрядному, лэнтием опоясався ученико́в но́ги умы, смиря́ясь премно́жеством благоутро́бия, и возвыша́я нас от про́пастей зло́бы, Еди́н Человеколю́бец.

*Глас 3: С*ла́ва Отцу́ и Сы́ну и Свято́му Ду́ху

Смиря́ясь за благоутро́бие, но́ги умы́л еси́ ученико́в Твои́х, и к течению́ Божéственному Сия́ напра́вил еси́: не повину́йся же Петр умы́тися, áбие Бóжественному повину́ется повелению́, омыва́емь, и Тебе́ приле́жно моля́ся, дарова́ти нам ве́лию ми́лость.

Глас 4: И ны́не и при́сно и во ве́ки веко́в, ами́нь.

Яды́й, Влады́ко, со ученики́ Твои́ми, тайнственно яви́л еси́ всесвятóе Твоё заколе́ние, ймже тли избáвихомся, честна́я Тво́я почита́ющии страда́ния.

Песнь 4

Ирмо́с: Прови́дев проро́к та́йну Твою́ неизрече́нную, Христé, провозгласи́: положи́л еси́ твёрдую́ любóвь крепо́сти, О́тче ще́дрый: Единоро́днаго бо Сы́на, Благо́й, очище́ние в мир послал еси́.

Слава Тебе́, Бо́же наш, сла́ва Тебе́.

На страсть́ всем су́щым из Адама, источи́вшую безстра́стие, Христé, гряды́й, друго́м Твои́м рекл еси́: с ва́ми Пасхи се́я причасти́тися возжелáх: Единоро́днаго бо Мя очище́ние, О́тец в мир послáл есть. (Два́жды).

Сла́ва Тебе́, Бо́же наш, сла́ва Тебе́.

Причаща́ясь ча́ши, ученико́м вопия́л еси́, Безсме́ртне: плода́ лóзнаго ктому́ не пию́ прóчее, с ва́ми живя́: Единоро́днаго бо Мя очище́ние, О́тец в мир послáл есть. (Два́жды).

Слава Отцу, и Сыну, и Святому Духу, и ныне и присно, и во веки веков, аминь.

Пити́е но́вое па́че сло́ва. Аз глаго́лю, во Ца́рствии Моём, Христóс друго́м, пию́, я́коже бо Бог с ва́ми бо́ги бу́ду, рекл еси́: Единоро́днаго бо Мя очище́ние, О́тец в мир послáл есть.

Ирмос: Провидев пророк тайну Твою неизреченную, Христе, провозгласи: положил еси твердую любовь крепости, Отче щедрый: Единородного бо Сына, Благий, очищение в мир послал еси.

Песнь 5

Ирмос: Союзом любви свяжем апостоли, владычествуящему всеми себе Христу возложше, красны ноги очищашу, благовествующе всем мир.

Слава Тебе, Боже наш, слава Тебе.

Неодержимую держащая, и превисprenнюю на воздухе воду, бездны обуздывающая, и моря востязующая Божия Премудрость, воду во умывальницу вливает, ноги же омывает рабов Владыка. (Трижды).

Слава Отцу, и Сыну, и Святому Духу, и ныне и присно, и во веки веков, аминь.

Учеником показывает смирения образ Владыка, облаки облагая небо, препоясует лентием, и преклоняет колена, рабом омьти ноги, в Егоже рuce дыхание всех сущих.

Ирмос: Союзом любви свяжем апостоли, владычествуящему всеми себе Христу возложше, красны ноги очищашу, благовествующе всем мир.

Песнь 6

Ирмос: Бездна последняя грехов обиде мя, и волнения не ктому терпя, яко Иона Владыце вопию Ти: от тли мя возведи.

Слава Тебе, Боже наш, слава Тебе.

Господа глашаете Мя, о ученицы, и учителя: есмь бо, Спасе, вопиял еси. Темже подражайте образ, Егоже во Мне видите. (Трижды).

Слава Отцу, и Сыну, и Святому Духу, и ныне и присно, и во веки веков, аминь.

Скверны Кто не имея, омьти не требует ног: чисти же, о ученицы, вы, но не вси: мгновением бо безчинно един от вас неистовствует.

Ирмос: Бездна последняя грехов обиде мя, и волнения не ктому терпя, яко Иона Владыце вопию Ти: от тли мя возведи.

Хор: Гóсподи, помíлуй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прíсно и во ве́ки веко́в, ами́нь.

Хор: Ами́нь

Конда́к, глас 2:

Хлеб при́ем в ру́це преда́тель, сокро́венно т́яя простира́ет, и при́емлет це́ну Созда́вшего Сво́има рука́ма челове́ка: и неиспра́влен пребы́сть Иу́да раб и льстец.

Икос: Тайной трапéзе, в стра́се прибли́жившеся вси, чи́стыми душа́ми хлеб при́имем спребыва́юще Влады́ще, да ви́дим, ка́ко умыва́ет ноги ученико́в, и сотвори́м, я́коже ви́дим, друг дру́гу покаря́ющеся и друг другу́ но́зе умыва́юще. Христóс бо та́ко повеле́ Сво́им ученико́м предрéк, та́ко твори́ти: но не услы́ша Иу́да раб и льстец.

Песнь 7

Ирмос: О́троцы в Вавилоне пéцнаго пла́мене не убо́яшася, но посреде́ пла́мене вве́ржени, ороша́еми по́яху: благослове́н еси́ Гóсподи, Бо́же оте́ц на́ших.

Сла́ва Тебе́, Бо́же наш, сла́ва Тебе́.

Помава́я главо́ю Иу́да, зла́я предзрэ́в подв́иже, благовре́мение не́кий преда́ти Судию́ на осужде́ние, И́же всех есть Госпо́дь и Бог оте́ц на́ших. (Два́жды).

Сла́ва Тебе́, Бо́же наш, сла́ва Тебе́.

Вам Христóс дру́гом вопия́ше: еди́н преда́ст Мя. Весéлия заб́ывше, ско́рбию и стра́хом одержи́ми бяху, кто сей, скажи́, глаго́люще, Бо́же оте́ц на́ших? (Два́жды).

Слава Отцу, и Сыну, и Святому Духу, и ныне и присно, и во веки веков, аминь.

И́же со Мнóю руку́ свою́ в соли́ло вложит дэ́рзостию, тому́ оба́че до́бро бы врата́ жити́я прой́ти никогда́же: сего́ и́же бе преда́тель явля́ше, Бог оте́ц на́ших.

Ирмос: О́троцы в Вавилоне пѣщнаго пла́мене не убо́яшася, но посреде́ пла́мене ввѣржени, ороша́еми по́яху: благословѣн еси́ Го́споди, Бо́же оте́ц на́ших.

Песнь 8

Ирмос: За зако́ны оте́ческаго блаже́ннии в Вавило́не ю́ноши предбе́дствующе, царю́ющаго оплева́ша повеле́ние безу́мное, и совокупле́ни, ѿмже не сварі́шася огне́м, Державстующему́ досто́йную воспе́ваху песнь: Го́спода по́йте дела́, и превозно́сите во вся ве́ки.

Сла́ва Тебе́, Бо́же наш, сла́ва Тебе́.

Сообѣдницы́ блаже́ннии, в Сионе́ сло́вом претерпе́вше апо́столи послѣдоваху Па́стырю, я́ко а́гнцы, и совокупле́ни, егѡ́же не разлучи́шася Христа́, божѣственнымъ сло́вом пита́еми, благодарственнѡ вопія́ху: Го́спода по́йте дела, и превозно́сите во вся ве́ки. (Два́жды).

Сла́ва Тебе́, Бо́же наш, сла́ва Тебе́.

Зако́нныя дру́жбы злоимені́тый Искаріо́т во́лею забы́в, я́же но́зе умы, угото́ви на преда́ние: и Тво́й яды́й хлеб, те́ло Божѣственное, воздвѣ́же ков на Тя, Христе́, и вопі́ти не разумѣ́: Го́спода по́йте дела́, и превозно́сите во вся ве́ки.

Благослови́м Отца́, и Сы́на, и Свята́го Ду́ха, Го́спода и ны́не и присно, и во веки веков, ами́нь.

При́ймаше реші́тельное греха́ те́ло безсо́вестный, и кровь излива́емую за мир Божѣственную: но не стыдя́шеся пия́, ю́же прода́ше на цене́, о зло́бе же не негодова́, и вопі́ти не разумѣ́: Го́спода по́йте дела, и превозно́сите во вся ве́ки.

Хвали́м, благослови́м, покланя́емся Го́сподеви, по́юще и превозно́сѣще Егѡ́ во вся ве́ки.

Ирмос: За зако́ны оте́ческаго блаже́ннии в Вавило́не ю́ноши предбе́дствующе, царю́ющаго оплева́ша повеле́ние безу́мное, и совокупле́ни, ѿмже не сварі́шася огне́м, Державстующему́ досто́йную воспе́ваху песнь: Го́спода по́йте дела́, и превозно́сите во вся ве́ки.

Песнь 9

Ирмос: Странствия Владычня, и безсмертныя трапезы, на горнем месте, высокими умы, вернии, приидите насладимся, возшедша Слова, от Слова научившися, Егже величаем.

Слава Тебе, Боже наш, слава Тебе.

Идите, учеником Слово рече, пасху на горничном месте, еюже ум утверждается, и сию тайноводительно уготовите, безквасным истинным словом, твердое же благодати величайте. (Дважды).

Слава Тебе, Боже наш, слава Тебе.

Содетельницу Отец прежде век Премудрость рождает Мя, начаток путей, в дела созда ныне тайно совершаемая: Слово бо несозданное сый естеством, гласы присвоюся, Егже ныне приях. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Яко человек сый существом, не мечтанием, сиче Бог нравом воздаяния, естество соединившееся Мне. Христа Единого, тем Мя знайте, от них же, яже есмь спасающа.

Ирмос: Странствия Владычня, и безсмертныя трапезы, на горнем месте, высокими умы, вернии, приидите насладимся, возшедша Слова, от Слова научившися, Егже величаем.

Хор: Господи, помилуй. *Трижды*

Чтец: Слава Отцу и Сыну и Святому Духу **И** ныне и присно и во веки веков, аминь.

Хор: Аминь

Хор: Чертог Твой вижду, Спасе мой, украшенный, и одежды не имам, да вниду в оны: просвети одеяние души моей, Светодавче, и спаси мя.

Слава Отцу и Сыну и Святому Духу

Чертог Твой вижду, Спасе мой, украшенный, и одежды не имам, да вниду в оны: просвети одеяние души моей, Светодавче, и спаси мя.

И ныне и присно и во веки веков, аминь.

Черто́г Твой ви́жду, Спа́се мой, украше́нный, и оде́жды не й́мам, да вни́ду в о́нь: просвети́ одея́ние ду́ши мо́ей, Светода́вче, и спаси́ мя.

Чтец: Хвалите́ Го́спода с небес; Тебе́ подоба́ет песнь Бо́гу. Хвалите́ Го́спода с небес, хвалите́ Его́ в вы́шних, Тебе́ подоба́ет песнь Бо́гу. Хвалите́ Его́, вси А́нгели Его́, хвалите́ Его́, вся Си́лы Его́; Тебе́ подоба́ет песнь Бо́гу. Хвалите́ Его́, со́лнце и луна́, хвалите́ Его́, вся звёзды и свет. Хвалите́ Его́, небеса́ небес и вода́, иже превы́ше небес, да восхва́лят И́мя Господне. Я́ко Той рече́, и бы́ша: Той повеле́, и созда́шася. Поста́ви я в век и в век ве́ка: повеле́ние положи́, и не ми́мо йдет. Хвалите́ Го́спода от земли́, зми́еве и вся бездны. О́гнь, град, снег, го́лоть, дух бу́рен, творя́щая сло́во Его́. Го́ры и вси хо́лми, древа́ плодоно́сна и вси ке́дри. Звэ́рие и вси ско́ти, гади и пти́цы перна́ты. Ца́рие зэмстии и вси лю́дие, кня́зи и вси судий зэмстии. Ю́ношы и де́вы, ста́рцы с ю́нотами, да восхва́лят И́мя Господне, я́ко вознесё́ся И́мя Того́ Еди́наго. Испове́дание Его́ на земли́ и на небеси́. И вознесёт рог люде́й Свои́х, песнь всем преподо́бным Его́, сыновом Изра́иловым, лю́дем, приближа́ющимся Ему́. Воспойте́ Го́сподеви песнь но́ву, хваление́ Его́ в це́ркви преподо́бных. Да возвеселится́ Изра́иль о сотворше́м его́, и сынове Сио́ни возра́дуются о Царе́ своём. Да восхва́лят И́мя Его́ в ли́це, в тимпа́не и псалти́ри да пою́т Ему́. Я́ко благово́лит Господь в лю́дех Свои́х, и вознесёт кро́ткия во спасе́ние. Восхва́лятся преподо́бнии во сла́ве и возра́дуются на ло́жах сво́их. Возноше́ния Бо́жия в гортáни их, и мечи́ обою́ду остры́ в рука́х их: сотвори́ти отмщ́ение во язы́цах, облич́ения в лю́дех связа́ти ца́ри их пу́ты, и сла́вныя их ручны́ми око́вы желе́зными. Сотвори́ти в них суд напи́сан. Сла́ва сия́ бу́дет всем преподо́бным Его́. Хвалите́ Бога во святы́х Его́, хвалите́ Его́ во утвер́жении си́лы Его́.

глас 2: Хвалите́ Его́ на си́лах Его́, хвалите́ Его́ по мно́жеству вели́чества́ Его́.

Стека́ется проче́е собо́рище иуде́йское, да Содéтеля и Зижди́теля вся́ческих Пилáту преда́ст. О беззакóнных! О неверных! Я́ко Грядуща́го суди́ти живы́м и мёртвым, на суд гото́вят; Исцеля́ющаго стра́сти ко страстéм уготовля́ют? Го́споди долготерпели́ве, ве́лия Твоя́ ми́лость, сла́ва Тебе́.

Стих: Хвалите́ Его́ во гласе́ тру́бнем, хвалите́ Его́ во псалти́ри и гу́слех.

Иу́да беззакóнный. Го́споди, омочи́вый на ве́чери руку́ в соли́ле с Тобо́ю, простре́ к беззакóнным ру́це при́яти срёбреники: и ми́ра умы́сливый це́ну, Тебе́ безце́ннаго не убо́йся прода́ти: но́зе простре́й во еже умы́ти. Влады́ку

облобыза́ льстивно, во́ еже преда́ти беззако́нным: ли́ка же апо́стольскаго отвѣр҃гся, и три́десять пове́рг сребреники, Твоего́ триднѣвнаго воскресѣния не ве́де, ѿмже поми́луй нас.

Стих: Хвалите́ Его́ в тимпа́не и ли́це, хвалите́ Его́ во стру́нах и орга́не.

Иу́да преда́тель льстив сый, льстивным лобза́нием предаде́ Спаса Го́спода, и Влады́ку всех, я́ко раба́ продаде́ иуде́ом: я́ко овча́ на заколе́ние, Та́ко послѣдоваше, А́гнец Бо́жий, Сын Отчий, Еди́н Многоми́лостивый.

Стих: Хвалите́ Его́ в кимва́лех доброгласных, хвалите́ Его́ в кимва́лех восклицáния. Вся́кое дыха́ние да хвалит Го́спода.

Иу́да раб и льстец, учени́к и наве́тник, друг и диáвол, от дел яви́ся: послѣдоваше бо Учи́телю, и на Него́ поуча́шеся преда́нию, глаго́лаше в себѣ: преда́м Того́, приобрета́щу собранна́я имѣния: иска́ше же и ми́ру продану́ быти, и Иисуса́ ле́стною я́ти. Отдаде́ целова́ние, предаде́ Хри́ста. И я́ко овча́ на заколе́ние, си́це послѣдоваше Еди́н Благоутро́бный и Человеколю́бец.

Слава Отцу, и Сыну, и Святому́ Духу, и ны́не и присно, и во веки веков, аминь.

Его́же проповѣ́да А́гнца Иса́ия, грядѣ́т на заколе́ние во́льное, и плещи́ дае́т на раны, ланиты́ на зауше́ния, лица́ же не отврати́ от срамоты́ заплева́ний, сме́ртию же безобра́зною осужда́ется. Вся́ Безгрѣ́шный во́лею приѣ́млет, да всем да́рует из ме́ртвых воскресѣ́ние.

Славословие великое

Чтец: Сла́ва Слава Тебе, Показавшему́ нам свет.ⁱ

Слава в вы́шних Богу, и на земли́ мир, в челове́цех благово́ление. Хвали́м Тя, благослови́м Тя, кланя́ем Ти ся, славослови́м Тя, благодарим Тя, вели́кия ради славы́ Твоея. Господи́, Царю́ небесный. Бо́же Отче Вседержи́телю, Господи́ Сыне́ Единородный, Иису́се Хри́сте, и Святы́й Душе. Господи́ Бо́же, А́гнче Бо́жий, Сыне́ Отечь, Возьми́й грех ми́ра, поми́луй нас, Возьми́й грехи́ ми́ра, прими́ молитву́ нашу: Седя́й одесную́ Отца, поми́луй нас. Я́ко Ты еси́ Еди́н Свят, Ты еси́ Еди́н Госпо́дь, Иису́с Хри́стос, в славу́ Бога Отца, аминь.

На вся́к день благослови́ю Тя, и восхва́лю имя́ Твое́ во веки, и в век ве́ка.

Сподоби́ Господи́ в день сей́ без греха́ сохранити́ся нам. Благословен еси́, Господи́, Бо́же отец наших, и хва́льно, и прославлено́ имя́ Твое́ во веки, аминь. Буди́, Господи́, милость Твоя́ на нас, яко́же упова́хом на Тя.

Благословен еси, Господи, научи мя оправданием Твоим. *Трижды.*

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Господи помилуй, *40 раз*

Хор: глас 8

Днесь еже на Христа лукавое собрася соборище, и на Него тщетная советоваше, предати Пилату на смерть неповиннаго. Днесь имением удавление Иуды себе облагает, и лишается обоюду жизни, привременныя и божественныя. Днесь Каиафа неволю пророчествует: уне, глаголя, Единому умерети за люди. Прииде бо за грехи наша пострадати, да нас свободит от работы вражия, яко Благ и Человеколюбец.

Стих: Ядый хлебы Моя, возвеличи на Мя записание.

Днесь Иуда нищелюбия сокрывает лице, и лихоимства открывает зрак: не ктому о нищих печется, не ктому миро продаёт грешныя, но небесное миро, и от Него усвоет серебряники. Течёт ко иудеом, глаголет беззаконным: что ми хотите дати, и аз вам предам Его? О сребролюбия предателя! Удобопродательную творит куплю, к воле купующих, непродаемого куплю творит. Не скуп является к цене, но яко раба бежашаго продаёт: обычай бо крадущим метати честная. Ныне же поверже святая псом ученик: бесование бо сребролюбия, на своего Владыку неистовитися сотвори его. Егоже искушения бежим, зовуще: Долготерпеливе Господи, слава Тебе.

Стих: Исхождаше вон, и глаголаше в купе.

Нрав твой лести исполняется, беззаконный Иудо: недугуя бо сребролюбием, приобрёл еси человеконенавидение. Аще бо богатство любил еси, почто ко Учащему о нищете пришёл еси? Аще же и любил еси, вскую продал еси Безценнаго, предав на убиение? Ужаснися, солнце, возстенй, земле, и движущися возопий: незлобиве Господи, слава Тебе.

Стих: Слово законопреступное возложиша на Мя.

Да никтоже, о вернии, Владычния Вечери тайноненаучен, никтоже отнюдь яко Иуда льстивно да приступит к трапезе: он бо укрух приём, на хлеба уклонися. Образом убо сый ученик, вещью же сый убийца, со иудеи убо

веселіся, со апóстолы же водворя́ся: ненави́дя лобыза́ше, лобыза́я же продава́ше икупі́вшаго нас кля́твы, Бо́га и Спа́са душ на́ших.

Слава Отцу, и Сыну, и Святому Духу.

Нрав твой лъсти исполняется, беззако́нный Иу́до: недúгуя бо сребролю́бием, приобрéл еси́ человеконенавидéние. А́ще бо бога́тство любі́л еси́, почто́ ко Уча́щему о нищете́ пришéл еси́? А́ще же и любі́л еси́, вскúю прóдал еси́ Безцéннаго, преда́в на убиéние? Ужасни́ся, со́лнце, возстені́, землé, и дві́жащися возопій: незло́биве Го́споди, сла́ва Тебé.

Глас 5: и ныне и присно, и во веки веков, аминь.

Тайновóдствуя Твоя́, Го́споди, ученикі́, учі́л еси́ глаго́ля: о друзи, зрíte, да никійже́ страх вас разлучі́т от Мене́! А́ще бо и стражду, но за мир. Не блазнíteся úбо о Мне: не приидóх бо, да послúжат Ми, но послужі́ти, и положі́ти дúшу Мою́ избавлéние за мир. А́ще úбо вы друзи Мой естé, Мене́ подражайте: хотя́й пéрвый бы́ти, да бúдет послéдний. Влады́ка, я́ко служі́тель. Пребúдите во Мне, да гроздь́ принесетé: Аз бо есмь Лоза́ живóтная.

чтец: Благо́ есть исповéдатися Го́сподеви́ и пéти́ Имени́ Твоему́, Вы́шний, возвещáти заúтра мі́лость Твою́ и і́стину Твою́ на всяку́ ночь. *(Два́жды).*

Святы́й Бо́же, Святы́й Кре́пкий, Святы́й Безсме́ртный, помі́луй нас. *(Три́жды).*

Сла́ва Отцú, и Сýну, и Свято́му Дúху и ны́не, и прі́сно, и во ве́ки веко́в. Ами́нь.

Пресвята́я Тро́ице, помі́луй нас; Го́споди, очі́сти Грехі́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, И́мене Твоего́ ра́ди.

Го́споди, помі́луй. *(Три́жды).*

Сла́ва Отцú, и Сýну, и Свято́му Дúху и ны́не, и прі́сно, и во ве́ки веко́в. Ами́нь.

О́тче наш, И́же еси́ на Небесéх. Да святі́тся И́мя Твое́, да приидет Ца́рствие Твое́, да бúдет во́ля Твоя́, я́ко на Небесі́, и на землі́. Хлéб наш насúщный даждь́ нам днесь́ и оста́ви нам до́лги на́ша, я́коже и мы оста́вляем должни́ком на́шим, и не введи́ нас во иску́шение, но изба́ви нас от лука́ваго.

Старший: Господи, Иисусе Христе, Сыне Божий, помилуй нас.

Чтец: Аминь.

Тропарь, глас 8:

Егда славному ученицы на умоветии вечера просвещася, тогда Иуда злочестивый сребролюбием недоговав омрачашеся, и беззаконным судиям Тебе, праведнаго Судию, предаёт. Видь имений рачителю, сих ради удушение употребивша. Бежи несытыя души, учителю таковая дерзнувшия: Иже о всех Благой, Господи, слава Тебе.

Господи, помилуй. (40).

Слава Отцу, и Сыну, и Святому Духу и ныне, и присно, и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. Слава Отцу, и Сыну, и Святому Духу и ныне, и присно, и во веки веков. Аминь.

Господи, помилуй. (Трижды).

Господи, благослови.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь
